

**Ն. Ս. Օ. Տ. Տ. ՎԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՈՒՂԵՐՁԸ
ՍՈՒՄՎԱՅԻԹԻ ԶՈՅԵՐԻ ՅԻՇԱՏԱԿԻ ՈՓԵԿՈՉՍԱՆ ԱՌԻԹՈՎ**

(28 փետրուարի, 2021 թ.)

Սիրելի՛ բարեպաշտ ժողովուրդ,

Այսօր ոգեկոչում ենք 1988 թ. Ադրբեջանի իշխանութիւնների կողմից կազմակերպուած Սումգայիթի ջարդերի զոհերի յիշատակը:

Խորհրդային Միութեան փլուզումից յետոյ անկախացան Միութեան կազմում գտնուող երկրները, եւ Արցախի մեր ժողովուրդը նոյնպէս ինքնորոշման իրաւունքով հռչակեց անկախ ապրելու իր կամքը: Այս արդար որոշման դէմ Ադրբեջանի ողջ տարածքում ձեռնարկուեց հայորդիների ջարդ ու կոտորած: Սումգայիթեան ոճրագործութիւնների կազմակերպիչները ծրագրած նոր եղեռնագործութեամբ պարբերաբար զինուած յարձակումների էին ենթարկում Արցախն ու Հայաստանի սահմանամերձ շրջանները: Անցեալ տարի Ադրբեջանը Թուրքիայի եւ ահաբեկչական խմբաւորումների հետ լայնածաւալ ռազմական գործողութիւններ ձեռնարկեց Արցախի Հանրապետութեան դէմ՝ դաժանաբար զնդակոծելով երկրի տարածքը: Զոհուեցին խաղաղ բնակիչներ, հայրենեաց պաշտպան մեր շատ զաւակներ, տեղահանուեցին բազմահազար հայորդիներ, աւերուեցին հոգեւոր-մշակութային կոթողներ ու յուշարձաններ, կորցրեցինք Արցախի զգալի մասը, եւ դեռ կան անյայտ կորածներ ու գերեզմարուածներ: Ցաւով ենք անդրադառնում, որ պատերազմի դադարից յետոյ տակաւին տեղ են գտնում բռնութիւններ ու շարագործութիւններ, ոտնահարւում մեր երկրի ու ժողովրդի իրաւունքները: Այս ողբերգական իրողութիւնները, արցախեան երկրորդ պատերազմի արհավիրքները վկայում են, որ Արցախը չի կարող լինել Ադրբեջանի կազմում:

Սիրելիներ, պատերազմի պատճառած կորուստների ցաւը մեր սրտերում՝ միասնաբար ամէն ջանք ի գործ պիտի դնենք՝ յաղթահարելու աղէտալի հետեւանքներն ու փորձութիւնները, զօրացնելու մեր հայրենիքը եւ կերտելու մեր կեանքի նոր ձեռքբերումներն ու յաջողութիւնները:

Խոնարհուելով մեր զոհերի վառ յիշատակի առջեւ՝ ի խորոց սրտի աղօթում ենք նրանց հոգիների հանգստութեան ու խաղաղութեան համար: Հայցում ենք, որ Աստուած Իր ողորմութիւնը, շնորհներն ու բարեգթութիւնը տարածեալ պահի համայն մեր ժողովրդի եւ մեր հայրենիքի վրայ եւ պահպանի ամենախնամ Իր Սուրբ Աջի հովանու ներքոյ, ամէն: